

## Neskobiek...

Neskobiek pasakītē „labanakt“ –  
Juk gīvenēms iš tuola tau muo:  
Če pri kelē pražīdos ēivelē  
Saulē tekont iš laimēs rasuo.

Metā mienesius grēta pamaina –  
Kāp ont scenas artistā vaidēn.  
Kas jau īr i pasauli atējēs,  
Tuo gīvenēms pri savēs vadēn.

Ne vēinam nusivēltē īr tekē,  
Gal ē ašara kuoki nubrauktē,  
Vo gīvenēms nelaukdams keliaun sau.  
Diel kuo mes jau negalem palauktē?

Neskobiek da sakītē „labanakt“ –  
Tego saka, ka mūsa nebus.  
Gal jau būsem atgolē i kapa,  
Šēltē viejē smēltelē papūs?

Juk užgimstam ē mērštam tik karta,  
Šimta kartu tau nieks nekartuos.  
Ē gīvenēmo galem mes džiaugtēis,  
Pakol šērdēs krūtīnie sostuos.